

13. november

UKA2018/60 - 234

Piniakkat killilersukkat avanersuarmi Ittoqqortoormiinu killilersorneqarunnaarnissaat anguniarlugu apeqquteqaat aallaavigalugu oqallisissiaq.

Aamma

Piniakkat killilersukkat Tasiilami nunaqarfiinilu killilersorneqarunnaarnissaat anguniarlugu apeqquteqaat aallaavigalugu oqallisissiaq saqqummiuppara.

(Inatsisartuni ilaasortaq Jens Napätôk, Partii Naleraq.

Piniakkat killilersukkat avanersuarmi, Ittoqqortoormiini, Tasiilami nunaqarfiinilu killilersorneqarunnaarnissaat anguniarlugu apeqquteqaat aallaavigalugu oqallinnissamik Inatsisartuni ilaasortap Jens Napätôk-p siunnersuutai Siumumiit imaattumik oqaaseqarfigissavagut.

Inuiaat Kalaallit piniarnermik inuuniuteqartutut qangarsuaaniilli nunarsuarmioqatitsinnit ilisimaneqarpugut allaat immaqa ullumikkumut nunarsuarmioqatitta illuikkani najugalittut nannut akopranni inuussutut naatsorsuutigisarpaatigut. Kisianni ukiut kingulliit 100-ut ingerlaneranni minnerunngitsumik ukiut kingulliit 50-it ingerlaneranni nunarput inuilu annertoorujussuarmik siuariarsimapput, minnerunngitsumik aalisarnermik inuussutissarsiuteqarnikkut aningaasarsior-nikkullu. Taamatut ullumikkut inissisimalersimanitsigut takutipparput inuiaat ilinniagaqassutsikkut siuariartornerput ilutigalugu naalackersuinikkut aningaasarsior-nikkullu namminiileriartorsinnaa-sugut ikioqatigiinnissamut isumaqatigiilersinnaagaagatta. Tamakku aallarniutigalugit taavakka pissutigalugu piniarnerinnavig nunatsinni inuiaqatigiinni ingerlaavartumik inuussutissarsiutasin-naajunnaarnikummat nunarsuarmioqatigiillu akornnani niuerutaasinnaajunnaavissimangukkuni ajornartorujussuannngornikuuvoq. Taamaattumik piniarnerinnavig inuussutissarsiuteqarsin-naaneq ullumikkut ajornakusoortorujussuannngornikuuvoq.

Kalaallit Nunatsinni piniarneq pillugu aqqissusinerit eqaatsumik toqqissisimasumillu periuseqarluni suliarineqartuarnissaat pisariaqarpoq. Kalaallit uagut nammineerluta nalunnginnerpaavarput qanoq iluorluta aqqissuusigutta Kalaallit nunatsinni innuttaasugut tamatta pisussutitsinnit uumassusilinnit neqissaqarniarsinnaasanerluta, nammineerluta aqqis-suussisussaavugut uagummi nammineerluta pisuussutitsinnut uumassusilinnut oqartussaaneq 1979-simiilli naalagaaffimmiit tiginukuarput. Tamannali pisussaaffiliinngilaq uagut nunarsuarmi piunnaannatsinnik qanoq iliuuseqarsinnaanissamik, tassami nunarsuarmioqatigiit aqqissu-gaasumik suleqatigiiffiinnut arlalinnut peqtaavugut, soorlu naalackersuisut akissuteqaataanni tamanna takuneqarsinnaasoq.

Siumup aallartinnerminiilli pingaartitaraa piniakkanut sugaluartaunulluunniit uagut nammineerluta immitsinnut oqartussaaffeqarnissarput, soorunami inatsisitigut malitassatigut killilersuutitigullu uagut nammineerluta pilersitatsigut aqunneqarluta. Tamatumalu pisinaatitaaffiup attattuarnissaa pillugu tamatta suleqatigiittariaqarpugut, immitsinnut pisuutitaqattaarata. Tamanna nunatta innuttaasullu pisariaqartippaat. Siumumiit piniarneq pisuussutinillu uumassusilinnik atuneq pillugu politikikkut angunigaqarpugut, taakualu matumuuna tigulaariffigilaarniarpakka:

PISUUSSUTIT UUMASSUSILLIT - PINIARNEQ

Piniakkanik atuineq piujaannartitsinermik tunngaveqarluni ingerlanneqassaaq, kinguaariit piniagas-saqartuarnissaat qulakkeerniarlugu siunissamilu piniartutut inuuniuteqarnerup ingerlaqqissinnaanera tassuunakkutaaq qularnaarniarlugu. Tamannalu anguniarneqassaaq pisuussutit uumassusillit nerisareqatigiiaat aallaavigalugit illersuinikkut.

Piniagassanik atuineq ingerlanneqassaaq piniarnermik inuutissarsiuteqartut tapertaqartullu nunaqavissut salliutillugit.

Pisuussutit uumassusillit pisarineqartartut tamakkiisumik atorluarneqartarnissaat nunamullu tamarmut iluaqutaanissaat siunertaajuassaaq. Tamanna aamma isumaqarpoq, pisuussutit uumassusillit ullumikkut tamakkiisumik atorluarneqanngitsut, inuaqitigiinnut iluaqutissanngorlugit atorluarneqalernissaat siunnerfigalugu isumatusaartumik suliniuteqarnissaq.

Pisuussutit atorneqarnerini aalajangersaanermi aalisartut piniartullu ilisimasaat kiisalu ilisimatus-sutsikkut paasisat katersorneqartartut tunngavigineqartassapput, aalajangersaasarnernilu kattuffiit attuumassuteqartut isumasiorneqartassallutik.

Nunat sanilitta imartatsinni pisuussutitsinnik atuinerisa aqunneqarnera suleqitgiinnikkut nukittorsarneqassaaq, tamatumani qulakkeerneqassaaq nunatta imartani pineqartuni naligiimmik naapertuuttumillu pisassiissutigineqartuni pissarseqataasarnissaa. Siumumiit Naalakkersuisunut kaammattuutigissuarput pisussutinik uumassusilinnik atuineq pillugu nunat sanilivut peqatigalugit isumasioqatigiisitsinissaq suliniutigeqqullugu.

Sinerissami piniarnermik aalisarnermillu inuussutissarsiuteqartut silaannaap, immap sarfaasa, pinngortitap avatangiisillu allanngoriartornerisa malitsigisaannik inuussutissarsiutaasa allanngoriartornerat ilutigalugu inuutissarsiornermikkut naleqqussartuarnerannut Siumut aqutissiusseqataajuassaaq.

Arferit puisillu neqaasa, orsuisa, puisillu amiisa sapinngisamik tamakkiisumik atorluarneqarlutik nioqutissiarisalnissaat anguniarlugu piniariaatsinik nioqutissioriaatsinillu nutaanik iluarsartuussisoqartariaqarpoq pisortat kattufiillu suleqatigiinnerisigut.

NAGGASIINEQ

Siumumiit isumaqarpugut nunarsuarmioqatigiinniit ajoqusersuutaasinnaasunik qanoq iliuuseqarfigineqarnata angusinnaagipput Qaanaarmiut Ittoqqortoormiormiut Tasiilarmiullu affattassaqaarnikkut qilalugartassaqaarnikkut mianersortumillu nannuttassaqaarnikkut ullumikkornit annertunerusumik pisassinneqartarsinnaanissaat. Nunatsinni innuttaasut neqissaqarniarnerannut Qaanaami, Ittoqqortoormiuni Tasiilamilu piniartut atorluarneqarnissaat pilersaarusiorduagaasumik aqutissiuunneqar-pat. Taamaaliorneq innunnguanut amerlasoorsuunngitsunut nunarsuami immikkuullarisumik najugalinnut iluaqutissanngortussaammat. Taamannak oqaaseqarluta oqallisissiamik saqqummiisoq qutsavigaarput.

Jens Danielsen, Siumut